

龍川詞一卷附補遺一卷

陳亮

龍川詞

目錄

水調歌頭四調

滿江紅一調

瑞雪漫慢一調

蝶戀花一調

彩鳳飛一調

天仙子一調

南鄉子一調

補目錄

水龍吟一調

眼兒嬌一調

滴滴金一調

念奴嬌三調

桂枝香一調

阮郎歸一調

卜算子一調

鷓鴣天一調

洞仙歌一調

點絳脣一調

洞仙歌一調

思佳客一調

賀新郎四調

三部樂二調

祝英臺近二調

垂絲釣一調

鷓鴣金一調

踏莎行一調

虞美人一調

清平樂一調

龍川詞目錄終

龍川詞目錄

宋六十名家圖

龍川詞

宋 陳 亮

水調歌頭（送章德茂大卿使虜）

不見南師久。漫說北羣空。當場隻手畢竟還我萬夫雄。自笑堂堂漢使。得似洋洋河水。依舊只流東。且復穹廬拜。會向藥街逢。堯之都。舜之壤。禹之封。于中應有一個半個恥臣戎。萬里腥膻如許。千古英雄安在。磅礴幾時通。胡運何須問。赫日自當中。

又（癸卯九月十五日齋朱元晦）

人物從來少。離菊爲誰黃。去年今日倚樓。還是聽行藏。未覺霜風無賴。好在月華如水。心事楚天長。講論參洙泗。杯酒到虞唐。人未醉。歌宛轉。興悠揚。太平胸次笑他磊砢欲成狂。且向武夷深處。坐對雲煙開斂。逸思入微茫。我欲爲君壽。何許得新腔。

又（和吳允成遊靈洞觀）

人愛新來景。龍認舊時湫。不論三伏小住。便覺凜生秋。我自醉眠其上。任是水流其下。湍激若爲收。世事如斯去。不去爲誰留。本無心。隨所寓。觸虛舟。東山始末且向靈洞與沈浮。料得神仙窟穴。爭似提封萬里。大小幾琉球。但有君才具。何用問時流。

又（和趙周錫）

事業隨人品。今古幾麾旌。向來謀國萬事。盡出汝書生。安識鵬鵬變化。九萬里風在下。如許上南溟。斥鷃旁邊笑。河漢一頭傾。嘆世間。多少恨。幾時平。霸圖消歇。大家創見。又成驚。邂逅漢家龍種。正爾烏紗白紵。馳驚覺身輕。尊酒從渠說。雙眼爲誰明。

念奴嬌（至金陵）

江南春色。算來是多少。勝遊清賞。妖冶廉纖。只做得。飛鳥向人佯傍。地闊天開。精神朗慧。到底還京樣。人家小語。一聲聲。近清唱。因念舊日山城。個人如畫。已作中州想。鄧禹笑人無限也。冷落不堪。惆悵秋水雙明。高山一弄。著我些悲壯。南徐好住。片帆有分來往。

又（登多景樓）

危樓還望。嘆此意。今古幾人曾會。鬼設神施。渾認作。天限南疆北界。一水橫陳。連崗三面。做出爭雄勢。六朝何事。只成門戶私計。因笑王謝諸人。登高懷遠。也學英雄涕。憑卻江山管不到。河洛腥膻無際。正好長驅。不須反顧。尋取中流誓。小兒破賊。勢成寧問疆對。

又（送戴少望參選）

西風帶暑。又還是。長途利牽名役。我已無心。君因甚。更把青衫爲客。邂逅卑飛。幾時高舉。不露真消息。大家行處。到頭須管行得。何處尋取狂徒。可能著意。更問渠儂骨。天上人間最好是。鬧裏一般岑寂。瀛海無波。玉堂有路。穩著青霄翼。歸來何事。眼光依舊生碧。

賀新郎（同劉元質唐與正陪葉丞相飲）

脩竹更深處。映簾櫳、清陰障日。坐來無暑。水激泠泠知何許。跳碎危闌玉樹。都不繫、人閒朝暮。東閣少年今老矣。況尊中有酒嫌推去。猶著我、名流語。大家綠野陪容與。算等閑過了、薰風。又還商素。手弄柔條人健否。猶憶當時雅趣。恩未報、恐成辜負。舉目江河休感涕。念有君如此。何愁虜。歌未罷。誰來舞。

又（寄辛幼安和見懷韻）

老去憑誰說。看幾番、神希臭腐。夏裘冬葛。父老長安今餘幾。後死無難可雪。猶未燥、當時生髮。二十五弦多少恨。算世間、那有平分月。胡婦弄。漢宮瑟。樹猶如此堪重別。只使君、從來與我。話頭多合。行矣置之無足問。誰換妍皮癢骨。但莫使、伯牙絃絕。九轉丹砂牢拾取。管精金、只是□□鐵。龍共虎。應聲裂。

又（酬辛幼安再用韻見寄）

離亂從頭說。愛吾民、金綸不愛。蔓藤纍葛。壯筆盡消入脆好。冠蓋陰山觀雪。虧殺我一星星髮。涕出女吳成倒轉。問魯爲齊弱何年月。丘也幸。由之瑟。漸新換出旗麾別。把當時、一椿大義。拆開收合。據地一呼吾往矣。萬里搖肢動骨。這話霸、只成癡絕。天地洪爐誰扇韜。算于中、安得長堅鐵。淝水破。關東裂。

又（懷辛幼安用前韻）

話殺渾閑說不成。教齊民也解爲伊爲葛。尊酒相逢成二老。卻憶去年風雪。新著了幾莖華髮。百世尋人猶接踵。嘆只今兩地三人月。寫舊恨向誰瑟。男兒何用傷離別。況古來幾番際會。風從雲合。千里情親長晤對。妙體本心次骨。臥百尺高樓斗絕。天下適安耕且老。看買犂賣劍。平家鐵壯士淚。肺肝裂。

滿江紅（懷韓子師尚書）

曾洗乾坤。問何事雄圖頓屈。試著眼階除當下。又添英物。北向爭衡幽憤在。南來遺恨狂酋失。算淒涼部曲幾人存。三之一。諸老盡。郎君出。恩未報。家何恤。念橫飛直上。有時還戢笑。我只知存飽暖。感君原不論階級。休更上百尺舊家樓。塵侵帙。

桂枝香（觀木樨有感寄呂郎中）

天高氣肅。正月色分明。秋容新沐。桂子初收。三十六宮都足。不辭散落人閒去。怕羣花自嫌凡俗。向他秋晚。喚回春意。幾曾幽獨。是天公餘香賸馥。怪一樹香風十里相續。坐對花旁。但見色浮金粟。芙蓉只解添愁思。況東籬淒涼黃菊。入時太淺。背時太遠。愛尋高躅。

三部樂（七月送邱宗卿使虜）

小屈穹廬。但二滿三平。共勞均佚。人中龍虎。本爲明時而出。只合是端坐王朝。看指揮整辦。掃

蕩飄忽也持漢節聊過舊家宮室。西風又還帶暑把征衫著上。有時披拂休將看花淚眼聞絃□骨對遺民有如皎日行萬里依然故物入奏幾策天下裏終定于。

又（七月廿六日壽王道甫）

入脚西風漸去去來來早三之一春花無數畢竟何如秋實不須待名品如麻試爲君屈指是誰層出十朝半月爭看搏空霜鶴從來別真共假任盤根錯節更饒倉卒還他濟時好手封侯奇骨沒些兒嫵媚勃率也不是崢嶸突兀百二十歲管做微元分人物

瑞雪漫慢（六月十一日壽羅春伯）

蔗漿酪粉玉壺冰醕朝罷更聞宣賜去天咫尺下拜再三幸今有母可遺年年此日共道月入懷中最貴向暑天正風雲會遇有恁嘉瑞鶴冲霄魚得水一超便直入神仙地植根江表開拓兩河做得黑頭公未騎鯨赤手問何如長鞭尺箠向來主謝風流只今管是

阮郎歸（重午壽外舅）

波光渺渺浸晴陂有亭湖岸西芰荷香拂柳絲垂升堂獻壽卮紅約腕綠侵衣願祝眉期頤花開妙語欲無詩一年歌一詞

祝英臺近（六月十一日送葉正則如江陵）

駕扁舟衝劇暑千里江上去夜宿晨興一一舊時路百年忘了句頭被人餓破故紙裏是爭雄

處。怎生訴。欲待細與分疏。其如有憑據。包裹生魚。活底怎遭遇。相逢尊酒何時。征衫容易。君去也自家須住。

又（九月一日壽俞德載）

嫩寒天。金氣雨。攪斷一秋事。全樣霏微。還作小晴意。世閒萬寶都成。些兒無欠。只待與黃花爲地。好招致。對此鬱鬱葱葱。新菊未成醉。番手爲雲。造物等兒戲。也知富貴來時。一班呈露。便做出人中祥瑞。

蝶戀花（甲辰壽元晦）

手撚黃花還自笑。笑比淵明。莫也歸來早。隨世功名渾草草。五湖卻共繁華老。冷淡家生。冤得道。旖旎妖嬈。春夢如今覺。管今歲華須到了。此花之後花應少。

卜算子（九月十八日壽徐子才）

悄靜菊花天。洗盡梧桐雨。倍九週遭爛熳開。祝壽當頭取。頂戴御袍黃。疊秀金稜吐。仙種花容晚節香。人願爭先覩。

垂絲釣（九月七日自壽）

菊花細雨。蕭蕭紅蓼汀渚。景物漸幽。風致如許。秋未暮。又值吾初度。看天宇。正澄清欲往。登高未也。紅塵常面飛舞。幾人弔古。烏帽牢收取。短髮還羞覩。遐壽身。近五雲深處。

彩鳳飛（一作彩鳳舞○七月十六日壽錢伯同）

人立玉。天如水。特地如何撰。海南沈燒著。欲寒猶暖。算從頭。有多少。厚德陰功。人家上一一舊時香案。嚙經慣。小駐吾州。纔爾依然歡聲滿。莫也教公子。王孫眼見。這些兒。穎脫處。高出書卷。經綸自入手。不了判斷。

鵲鵲天（懷王道甫）

落魄行歌記昔遊。頭顱如許。何求。心肝吐盡無餘事。口腹安然。豈遠謀。纔伯暑。又傷秋。天涯夢斷。有書不大都。眼孔新來淺。羨爾微官。作計周。

謁金門（送徐子宜如新安）

新雨足。洗盡山城神瘴。見說好峯三十六。峯峯如立玉。四海英遊追逐。事業相時伸縮。入境德星須做福。只愁金詔趣。

天仙子（七月十五日壽內）

一夜秋光先著柳。暑力平明羞失守。西風不放入簾幃。饒永晝。沈煙透。半月十朝秋定否。指點芙蓉凝佇久。高處成蓮深處藕。百年長共月團圓。女進酒。男稱壽。一點浮雲人似舊。

洞仙歌（丁未壽朱元晦）

秋容一洗。不受凡塵沍。許大乾坤這回大。向上頭些子是。鵬鷃搏空。籬底下。只有黃花幾朵。

騎鯨汗漫。那得人同坐。赤手丹心。撲不破。問唐虞禹湯武。多少功名。猶自是一點浮雲。鏹過。且燒卻。一瓣海南沈。任拈取。千年陸沈奇貨。

踏莎行（國策八十推官）

書冊如仇。舊遊渾諱。有懷不斷人應異。千山上去。夢魂輕。片帆似下。蠻溪水。已共酒杯長舉。海誓見君。忽忘花前醉。從來解事苦無多。不知解到。毫芒未。

南鄉子（謝永嘉諸友相饒）

人物滿東甌。別我江心識俊遊。北盡平蕪南似畫。中流。誰繫龍驤萬斛舟。去去幾時休。猶是潮來更上頭。醉墨淋漓人感舊。離愁。一夜西風似夏不。

點絳脣（詠梅月）

一夜相思。水邊清淺。橫枝瘦。小窗如畫。情共香俱透。清入夢魂。千里人長久。君知否。雨窗雲。慙格調還依舊。

龍川詞補

水龍吟（春恨）

鬧花深處層樓。畫簾半捲東風軟。春歸翠陌，平莎茸嫩，垂楊金淺。遲日催花，淡雲閣雨，輕寒輕暖。恨芳菲世界，游人未賞，都付與、鶯與燕。寂寞憑高念遠，向南樓一聲歸雁。金釵鬪草，青絲勒馬，風流雲散。羅綬分香，翠綃封淚，幾多幽怨。正銷魂又是，疎煙淡月，子規聲斷。

洞仙歌（雨）

瑣窗秋暮。夢高唐人困。獨立西風萬千恨。又檐花落處，滴碎空階，芙蓉院無限。秋容老盡，枯荷摧欲折，多少離聲鎖斷。天涯訴幽悶。似蓬山去後，方士來時，揮粉淚點點。梨花香潤，斷送得人間夜霖鈴，更葉落梧桐，孤燈成暈。

虞美人（春愁）

東風蕩颺輕雲縷。時送蕭蕭雨。水邊臺榭燕新歸。一口香泥溼帶落花飛。海棠糝徑鋪香繡。依舊成春瘦。黃昏庭院柳啼鴉。記得那人和月折梨花。

眼兒媚（春愁）

試燈天氣又春來。難說是情懷。寂寥聊似，揚州何遜，不爲江梅。扶頭酒醒爐香地。心緒未全

灰愁人最是黃昏前後。煙雨樓臺。

思佳客（春感）

花拂闌干柳拂空。花枝綽約柳鬆鬆。蝶翻淡碧低邊影。鶯囀濃香杪處風。深院落。小簾櫳。尋芳猶憶舊相逢。橋邊攜手歸來路。踏皺殘花幾片紅。

清平樂（秋晚伯成兄往龍興山中。意其登山臨水。不無閨房之思。作此詞惱之。）

銀屏繡閣。不道蛟綃薄。嘶騎匆匆塵漠漠。還過夕陽村落。亂山千疊無情。今宵遮斷愁人兩處。香消夢覺。一般曉月秋聲。

滴瀝金

斷橋雪霽聞啼鳥。對林花弄晴曉。畫角吹香客愁醒見。梢頭紅小。圓酥翦蠟知多少。向風前。壓春倒。江嶂人煙。畫圖中有。短篷香繞。

龍川詞跋

同甫一名同。永康人。光宗策進士。羣臣奏其卷第三。御筆擢第一。既知爲同甫。大喜。又有天留遺朕之詔。其恩遇如此。據葉水心集云。四十卷。今行本止三十卷。想尙多佚遺。其最著者莫如上皇帝四書及酌古論。自贊云。人中之龍。文中之虎。真無忝矣。第本集載詞選三十闕。無甚詮次。如寄辛幼安賀新郎三首。錯見前後。予家藏龍川詞一卷。又每調類分。未知孰是。讀至卷終。不作一妖語媚語。殆所稱不受人憐者歟。湖南毛晉識。

余正喜同甫不作妖語媚語。偶閱中興詞選。得水龍吟以後七闕。亦未能超然。但無一調合本集者。或云賸作。蓋花庵與同甫俱南渡後人。何至誤認若此。或花庵專選綺豔一種。而同甫子沈所編本集。特表阿翁磊落骨幹。故若出二手。況本集云。詞選則知同甫之詞不止於三十闕。卽補此花庵所選。亦安得云全豹耶。姑梓之以俟博雅君子。湖南毛晉又識。

來六十名家詞